



## REGIONE AUTONOMA DELLA SARDEGNA

DELIBERAZIONE N. 17/4 DE SU 20.3.2008

---

Ogetu: L.R. n. 29/1998 "Tutela e valorizzazione de sos tzentros istòricos". Bandu "Domos"

S'Assessore de sos Entes Locales Finàntzias e Urbanìstica ammentat chi sa Regione pro mèdiu de su bandu Domos, at prevididu su finantziamentu de progetos presentados dae sas Comunas pro su recùperu, sa rivalorizzazione e su reimpreu de s'edificadu istòricu de sa Sardigna comente elementu de importu de sos aspetos culturales de s'ìsula, in coerèntzia cun sa L.R. n. 29/1998 e finas subra sa base de sos inditos cuntènnidos in su Pianu Paesagìsticu Regionale.

Premissu chi su bandu fiat istadu aviadu basende-si subra sas disponibilidades finantziàrias chi pertocant a sas resursas de s'annualidade 2006, e chi a manera imbeniente sas matessi sunt istadas integradas cun cussas chi pertocant a s'annualidade 2007, sa summa a disponimentu est in totu de èuros 28.697.041,54, sende chi su totale de sas rechestas lòmpidas fiat parìvile a èuros 33.437.273,60.

Premissu custu, cun su fine de giughere a su màssimu sos recadimentos de sas resursas finantziàrias regionales e in su matessi tempus valorizare sa cantidade prus manna de su patrimoniu immobiliare a disponimentu, pro mèdiu de su recùperu, sa ricalificatzione e su reimpreu de sos tzentros istòricos e de sos assemidamentos istòricos minores, s'Assessore aprètziat chi siat netzessàriu assicurare su finantziamentu a totu sos chi partètzipant a su bandu, sas propostas de sos cales siant resultadas ammissìbiles, pro mèdiu de una sestada proportzionale de sos finantziamentos chi si podent cuntzèdere.

Sas Comunas, a segus de custa sestada, e cando esseret netzessàriu, tenende in contu sos assestamentos e sas variatziones chi a manera normale si podent agatare in sa fase esecutiva de sos traballos, ant a pòdere providire chi pro sos interventos de recùperu primàriu de su patrimoniu edilìtziu privadu e/o pùblichu, s'entidade de su contributu chi si podet cuntzèdere pro su restàuru de sas coberturas, de sos prospetos e de sas fundamentas relativas, bèngiat a manera oportuna fissadu in sa misura màssima de su 50% de s'importu totale de sas òperas chi si podent ammitere a su finantziamentu.

Sa Giunta regionale, cumpartzende cantu rapresentadu e propostu dae s'Assessore de sos Entes Locales Finàntzias e Urbanìstica

### **DELÌBERAT**

de finantziare sas propostas progetuales presentadas dae sas Comunas cunsideradas ammissibiles de sas cales a su prospetu allegadu. Pro custu fine s'entidade de su contributu chi si podet cuntzèdere pro su restàuru de sas coberturas, de sos prospetos e de sas fundamentas relativas, est fissadu in sa mesura màssima de su 50% de s'importu totale de sas òperas chi si podent ammitere a su finantziamentu.

**Su Direttore Generale**

Fulvio Dettori

**Su Presidente**

Renato Soru